

Inissialiornermut tapersiissuteqartarneq pillugu inatsisartut peqqussutaani kapitali 4 naapertorlugu taarsigassarsilluni illugineqartut attartortinnejartarnissaat pillugu Namminersornerullutik Oqartussat nalunaarutaat

Inissialiornermut tapersiissuteqartarneq pillugu Inatsisartut peqqussutaani nr. 1-im 9. april 1992-imeersumi § 20 naapertorlugu aalajangersarneqarpooq:

§ 1. Inissialiornermut tapersiissuteqartarneq pillugu Inatsisartut peqqussutaani kapitali 4 malillugu taarsigassarsilluni illugineqartut attartortinnejartarnissaat Naalakkersuisunit akuerineqarsinnaavoq.

§ 2. Taamaallaat § 1 malillugu akuersisoqarsinnaavoq taarsigassarsisimasoq illoqarfimmi nunaqarfimmiluunniit allami najugaqalerallarsimappat. Taarsigassarsisup nuunera nalunaarutigineqassaaq nutaamik najugariligaa nalunaarlugu.

Imm. 2. Sivisunerpaamik ukiumut ataatsimut akuersissuteqartoqarsinnaavoq.

Imm. 3. Najugaqalerallarsimaneq imm. 1-im eqqartorneqartoq ilinniarniarnermik pissuteqarpat akuersissuteqartoqarsinnaavoq ilinniarnerup sivisoqataanut.

Imm. 4. Attartornerup naanerani attartortitsinerup sivitsorneqarnissaa kissaatigineqarpat nalunaarununi uvani maleruagassat malillugit nutaamik akuersissuteqartoqarnissaa qinnutigineqassaaq.

§ 3. Attartornissamik isumaqtigissuteqarneq pissaaq iinmersugassaaq Naalakkersuisunit akuerisaasimasoq atorlugu aammalu taanna Naalakkersuisunit akuerineqassalluni.

Imm. 2. Attartorneq immersugassami sivisussusiliussaasimasumit sivikinneruppat attartorunnaarneq ingerlaannartumik Naalakkersuisunut nalunaarutigineqassaaq.

§ 4. Attartornermut akiliut qaammammut akilerneqartartussanngorlugu angissusiliivigineqassaaq angissuserissallugulu taarsigassarsisup akilersuutigisartagaata qaammammut agguataarlugu angissusia illup sillimmataanik aserfallatsaalinnissaanullu aningaasaliissutissanik ilallugu.

Imm. 2. Pissutsit immikkut ittut pisariaqartippassuk attartornermut akiliut immikkoortoq 1-im eqqartorneqartumit anginerutinneqarsinnaavoq mikinerutinneqarsinnaalluniluunni i t.

§ 5. Taarsigassarsisup akisussaaffigaa ukiup affakkaartumik taarsersuutitut akiliutigineqartartut attartortitsinerup nalaani piffissaq eqqorlugu akilerneqartarnissaat.

Imm. 2. Attartortitsinissamik akuersinermut tunngavigineqarsinnaavoq attartortup attartornermut akiliummik kommuunimut akiliisarnissaa taarsigassarsisup taarsigassarsiaanut nakkartartussanik.

§ 6. Inissialiornermut tapersiissuteqartarneq pillugu Inatsisartut peqqussutaani § 13 malillugu taarsigassarsisup ineqarnermut meeqyanut tapiissutinik pisassaqartitaanera illup attartortinnejartarnissaat

atorunnaassaaq. Attartortitsinerup aallartinneraniit akiliiffissap appaanit atuutilersumik tapiissutit
atorunnaassapput atuutissanatillu attartortitsiunnaarnerup kingornagut akiliiffissap appaanut.
§ 7. Nalunaarut atulissaq ulloq 1. april 1994.

Namminersornerullutik Oqartussat, ulloq 22. marts 1994

Emil Abelsen

/

Peter Beck

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut